


2017ko maiatzean erregistratutako langabezia

2017ko maiatzean zehar LANBIDEko bulegoetan 2.772 langabe gutxiago erregistratu dira. Horrek esan nahi du jaitsiera balore erlatiboetan %2,02koa izan dela, eta 134.236 langabe dau dela. Langabetu kopurua jaitsi egin da krisi aurreko, krisi garaiko eta ondorengo datuekin alderatuta modu apalagoan.

Langabetuen hilabeteko saldoaren bilakaera



Errealitate kaskar honek bere eragina izan du urte arteko saldoaren jaitsieran, 13.777ko murrizketa izan da, aurreko hilabetekoa baino 1.776 gutxiago.

Erregistratutako langabetuen urte arteko saldoaren bilakaera



• S E X U A

Azken hilabeteen langabezia gehiago jaitsi da gizonezkoen artean emakumezkoen artean baino. Lehenengoen artean %2,4 jaitsi da eta bigarrenengoen artean %1,7. Urtearteko saldoari dagokionez, gizonen artean %12,28 murriztu da, eta emakumeen artean, berriz, %6,79 soilik. Gaur egun langabeen %55,61 emakumeak dira. Krisia hasi zenean, aldiz, langabe kopurua berdintsua zen bi sexuetan, gizonezkoen artean langabezi orain baino handiagoa zen eta. Gizonezkoen artean krisiaren eragina handiago izan zen, baina talde hau errekupeazio ahalmen handiago erakusten ari da.

• A D I N A

Azken hilabete honetan langabezia jaitsiera handiena 25-44 urte arteko pertsonen artean izan da. Langabezia hazi den adin tarte bakarra 25 urte azpikoena izan da. 44 urte baino gehiagokoan artean jaitsiera geroz eta apalagoa da. Urte arteko saldoan korrelazio handia ikusten da langabeziaren jaitsieraren eta langabezia dauden lan eskatzaileen gaztetasunaren artean. Langabeen erdiak 44 urte baino gehiago ditu, laurden batek 54 urte baino gehiago eta beste laurden batek ez ditu 35 urte baino gehiago. Langabeak zenbat eta zaharragoak izan orduan eta zailtasun handiagoak dituzte laneratzeko. Ekonomia, egun, hobetzen ari bada ere, egiturazko langabezia handia utziko du krisiak langabe zaharrenen artean.

• J A R D U E R A E K O N O M I K O A

Aurreko hilarekin alderatuz gero, aurretik enplegurik izan ez dutenen langabezia izan da hazi den bakarra. Lehen sektorean, aldiz, jaitsi egiten da 171 langabe gutxiago dago, %5,53ko jaitsiera balore erlatiboetan, guztietan handiena. Zerbitzu sektorean 2.245 langabe gutxiago daude (-%2,5), industrian 347 langabe gutxiago (-%2,09) eta eraikuntzan 300 langabe gutxiago (-%2,5).

Datuak zehatzago aztertuta, langabezia jaitsiera handiena izan duten jarduerak ondorengoak izan dira: janari eta edarien zerbitzuak (-468), lanarekin erlazionatutako jarduerak (-243), txikizkako merkataritza (-237), nekazaritza, abeltzaintza (-175), eraikuntza (-148), eraikuntza espezializatuko jarduerak (-140), hezkuntza (-137), eraikuntzetako laguntza eta lorezaintza jarduerak (-130), produktu metalikoen fabrikazioa (-121) eta handizkako merkataritza (-102). Beste arlo hauetan soilik jaitsi da langabezia, baina modu apalean: motordun ibilgailuen fabrikazioa eta arte grafikoak, bietan 39 langabe gehiago daude.

• L A N G A B E Z I A R E N I R A U P E N A

Hilabete honetan, epe laburreko 2.688 langabe gutxiago zenbatu dira, eta epe luzeko 84 gehiago soilik. Urte osoari begiratuz gero, ikusten da jaitsiera handia izan dela bi multzotan. Ekonomiaren susperraldia, bada, aukerak eskaintzen ari da langabe kronifikatuenei.

• L A N G A B E T U E N K O K A P E N G E O G R A F I K O A

Azken hilabetean langabezia lurralde historiko guztietan jaitsi da. Gipuzkoa nabarmentzen da %2,9ko jaitsierarekin, Bizkaian %1,6koa da jaitsiera eta Araban %2koa.

Araban %10,57 jaitsi da azken urtean, EAEko batezbestekoa baino apur bat gehiago. Erregistratutako langabezia-indizea, hortaz, %13,3koa izan da, EAEko indizea baino 6 hamarren altuagoa.

Gipuzkoan Araban baino apur bat gehiago egin du behera langabeziak azken urtean; zehazki %11,13. Krisiari hobekien aurre egin dion lurralde historikoa da, eta krisitik irteteko ere hura da egoera onenean dagoena. Erregistratutako langabezia indizea %10,5ekoa da, EAEko txikiena.

Bizkaian urte arteko jaitsiera %8,07koa izan da, EAEko batezbestekoa baino baxuxeagoa. Erregistratutako langabezia indizea %14koa da, EAEko handiena.

Hiriburuak aztertuta, ikusten da Bilbon jaitsi dela gehien langabezia, azken hilean 349 langabe gutxiago zenbatu dira-eta. Vitoria-Gasteizen, berriz, 269 langabe gutxiago daude, eta Donostian, azkenik, 209 gutxiago soilik. Beste eskualde hauetan ere behera egin du langabeziak

2017ko maiatzean erregistratutako langabezia

maiatzean: Ezker Eskualdea (-286), Bidasoa Behera (-186) eta Uribealdea (-138). Langabeziak gora egin duen eskualde bakarra Lea-Artibai da (+13).

• LANGABEZIA - PRESTAZIOA

2017ko maiatzean 37.881 langabek kobratu dute langabezia-prestazioaren bat, hau da, aurreko hilean baino 1.375 langabek baino gutxiagok. Langabeen %28,2k du gizarte-prestazio hori jasotzeko eskubidea. 20.525 langabek jasotzen dute ordaindutakoaren arabeko prestazioa, hau da, langabeen %15,3 dira horiek. 17.356 langabek (%12,9), berriz, langabeziagatiko prestazioa jasotzen dute.

Aurreko hilarekin alderatuz, langabeziagatiko estaldura-tasak 0,5 puntu egin du behera, eta aurreko urtearekin alderatuta 1,6 puntu. Langabeziagatiko estaldura jaistearren arrazoia zera da: langabeziari-prestazioak kobratzeko eskubidea murrizten ari dela epeak agortzen ari direlako.

• IKASKETA MAILA

Langabeen %62,1ek (83.256 lagun), oinarrizko ikasketak ditu, gehienez ere. Azken hilean, oinarrizko prestakuntza dutenen artean, 1.819 langabetu gutxiago erregistratu dira. Talde horretan %9,4 jaitsi da langabezia azken urtean.

Batxilergo-titulua duten lagunak langabeen %8,7 dira. Talde horretan %1,8 jaitsi da langabezia azken hilean, eta azken urtean %8,7.

Lanbide-heziketa ikasi eta langabezian dauden lagunak 23.118 dira, hau da, langabeen %17,2. Talde horretan %1,8 jaitsi da langabezia azken hilean, eta %10,4 azken urtean, azken urtean gehien murriztu den taldea izanik.

Azkenik, langabeen %12,1ek (16.178 lagun), egin ditu unibertsitateko ikasketak. Ikasketa maila hori dutenen artean, 402 lagun gutxiago daude langabezian. Horrek esan nahi du, bada, jaitsiera %2,4koa izan dela. Azken urtean, berriz, %7,9koa izan da jaitsiera.

• JATORRIA

Langabeen %15,8 (21.232 lagun), atzerritarrak dira. Apirilarekin alderatuta, ikusten da langabezia jaitsi dela atzeritarren artean %2,2, eta baita bertakoen artean ere, %2.

Langabe atzeritarren %37a Afrika iparraldekoak dira, %19,8a Latinoamerikatik datoz, %19,8 Europako Esparru Ekonomikotik, %15,2a Saharaz hegoaldeko Afrikatik, eta %5,4, azkenik, Asiatik.

• KONPARAKETA ESTATUKO DATUEKIN

Estatuan 111.9081 langabe gutxiago daude. Horrek esan nahi du langabezia %3,13 jaitsi dela eta orain, guztira, 3.461.128 langabe gutxiago daudela erregistratuta; jaitsiera hori EAERI dagokiona baino 2,11 puntu handiagoa da. EAERI mugakide diren autonomia-erkidegoetan, bestalde, EAEn baino gehiago jaitsi da langabezia: %4,2 Nafarroan, %4,9 Errioxan, %3,2 Kantabrian eta %3,4 Gaztela eta Leonen. Katalunian %3,8 jaitsi da, eta Madrilan, berriz, %2,5.

2017ko maiatzean erregistratutako langabezia

Lan-eskatzaille langabeak 2017ko maiatzean

	mai-2017	api-2017	Saldoa	Bil %
SEXUA:				
GIZONEZKOAK	59.581	61.049	-1.468	-2,40
EMAKUMEZKOAK	74.655	75.959	-1.304	-1,72
25 URTEZ AZPIKOAK:				
GUZTIRA	7.901	7.708	193	2,50
GIZONEZKOAK	3.960	3.775	185	4,90
EMAKUMEZKOAK	3.941	3.933	8	0,20
25-44 URTE:				
GUZTIRA	60.729	62.908	-2.179	-3,46
GIZONEZKOAK	26.223	27.457	-1.234	-4,49
EMAKUMEZKOAK	34.506	35.451	-945	-2,67
45 URTEZ GORAKOAK:				
GUZTIRA	65.606	66.392	-786	-1,18
GIZONEZKOAK	29.398	29.817	-419	-1,41
EMAKUMEZKOAK	36.208	36.575	-367	-1,00
SEKTOREA:				
NEKAZARITZA ETA ARRANTZA	2.924	3.095	-171	-5,53
INDUSTRIA	16.279	16.626	-347	-2,09
ERAIKUNTZA	11.695	11.995	-300	-2,50
ZERBITZUAK	87.634	89.879	-2.245	-2,50
AURREKO ENPLEGURIK GABE	15.704	15.413	291	1,89
		11,2%		
LURRALDE HISTORIKOA:				
ARABA	21.610	22.042	-432	-1,96
BIZKAIA	76.781	78.044	-1.263	-1,62
GIPUZKOA	35.845	36.922	-1.077	-2,92
EAE	134.236	137.008	-2.772	-2,02

	Langa- betuak	Erregistra- tutako langabezia indizea	Aurreko hilabetea		Aurreko urtea	
			Saldoa	Bil %	Saldoa	Bil %
Bidasoa Behera	4.608	12,4%	-186	-3,88	-594	-11,42
Oarsoaldea	4.171	12,0%	-90	-2,11	-539	-11,44
Donostia-S.Sebe.	8.708	9,8%	-209	-2,34	-762	-8,05
Donost.Mendebaldea	3.561	10,2%	-74	-2,04	-582	-14,05
Tolosaldea	2.441	10,8%	-40	-1,61	-306	-11,14
Urola Erdia	1.523	10,3%	-70	-4,39	-210	-12,12
Goiherri	1.871	9,2%	-41	-2,14	-187	-9,09
Deba Garaia	2.693	9,0%	-108	-3,86	-516	-16,08
Deba Behera	3.224	12,6%	-95	-2,86	-384	-10,64
Urola Garaia	1.265	10,8%	-49	-3,73	-62	-4,67
Urola Kosta	1.780	8,3%	-115	-6,07	-345	-16,24
GIPUZKOA	35.845	10,5%	-1.077	-2,92	-4.487	-11,13
Vitoria-Gasteiz	16.975	13,9%	-269	-1,56	-2.116	-11,08
Aialako Ibarra	2.523	13,7%	-21	-0,83	-323	-11,35
Arabar Errioxa	703	12,9%	-78	-9,99	1	0,14
Arabako lautada	779	10,7%	-20	-2,50	-79	-9,21
Gorbeia inguruak	285	6,2%	-8	-2,73	-40	-12,31
Arabako Ibarak	425	8,7%	-33	-7,21	-36	-7,81
Arabako Mendialdea	121	8,3%	-3	-2,42	5	4,31
ARABA	21.610	13,3%	-432	-1,96	-2.553	-10,57
Gobela	5.532	10,7%	-64	-1,14	-373	-6,32
Txorierrri	2.646	11,9%	-84	-3,08	-231	-8,03
Uribealdea	3.337	10,2%	-138	-3,97	-276	-7,64
Durungaldea	3.655	10,0%	-10	-0,27	-406	-10,00
Busturialdea	2.475	11,4%	-115	-4,44	-260	-9,51
Lea-Artibai	1.004	8,3%	13	1,31	-114	-10,20
Enkarterriak	2.464	15,9%	-79	-3,11	-228	-8,47
Arratia-Zornotza	1.698	10,0%	-44	-2,53	-173	-9,25
Arratia-Nerbioi	1.556	12,1%	-22	-1,39	-231	-12,93
Bilbo	26.475	16,1%	-349	-1,30	-2.198	-7,67
Ezkerraldea	20.411	16,7%	-286	-1,38	-1.652	-7,49
Ibaizabal	5.327	13,7%	-85	-1,57	-559	-9,50
BIZKAIA	76.781	14,0%	-1.263	-1,62	-6.737	-8,07
EAE	134.236	12,7%	-2.772	-2,02	-13.776	-9,31